



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

38. An quando confessio fuit invalida vel ex parte pœnitentis, vel ex parte Confessarij, & pœnitens cum eodem Confessario confitetur, an teneatur denuò peccata explicare, si saltem neque Confessarius ...

[urn:nbn:de:hbz:466:1-76393](#)

pœnitens: potest tamen ea notitia tunc habita servire, ut, si accedat summaria quadam renovatio illius, possit absolvui, ad quod sufficiet in Sacerdote illa notitia, & memoria, qua manet ex illa priore narratione peccati, illa enim supposita, illa summaria renovatio sufficientem præbet materiam, & eis sufficiens manifestatio peccatorum Sacramentalis, ut Sacerdoti constet satis materia, qua illi judicanda proponitur.

15. Dicit tertius, quando confessarius audita confessione, nondum imposuit pœnitentiam, & omnino immemor est statim pœnitentis, non latenter est, quod pœnitens det illi peccatorum aliquam confusam notitiam. Hac assertio est contra Gasparenum Huradum *disput. 8. de pœnit. diff. 8.* ubi putat satis esse quod pœnitens tunc det confessario notitiam aliquam medianam, qua nec sit unico verbo se referendo ad priorem notitiam, nec distincte reiteratio prioris confessionis, sed confusa quedam confessio peccatorum antea distincte explicatorum, quam putat sufficere ut confessarius tunc possit prudenter taxare pœnitentiam: Oppositum ergo verum puto. Quia iudicium debet formari a confessario ex notitia, quam ipse, vel habet adhuc, vel profectus ex illa, quam prius habuit juxta dicta: non potest autem a confessario procedere ex tali notitia, nisi illius aliqua ratione sufficienti ad formandum iudicium memor sit, & ad imponendam salutarem pœnitentiam juxta doctrinam Tridentini docentis *diff. 1. cap. 5.* ad hunc finem curatiois requiri notitiam peccatorum mortalium in specie, & numero, quia quod ignorat, medicina non curat.

16. Et tandem pro coronide hujus Resolutionis apponant etiam hic ea, que ubi *supr. num. 123.* subdit Dicastillus, ubi sic ait. Pro praxi advertendum est, quod si præcessit aliquando notitia distincta data Sacerdoti, quando jam erat legitimus iudex, & ille adhuc immemor iudicij, quod tunc formavit, & pœnitentia, quæ esset imponenda, adhuc perget, & absolvat, licet id non licet faciat, non prius denou procurando distinctam notitiam requiritam ad prudenter iudicandum, valebit quidem confessio, & erit non solum valida, sed directa quoque absolutione ab illis, quæ ut iudex, audiuit, illicita tamen. Si vero notitia illa prior distincta data non fuit iudicii, sive quia tunc temporis homo ille nondum era Sacerdos, sive quia non habebat tunc requisitam jurisdictionem absolvendi ab illis peccatis, & nihilominus postea factus Sacerdos, & iudex absolvat pœnitentem bona fide procedentem, utendo notitia confusa, quam denou accipit, iudicandum erit de illa absolutione quoad valorem, & fructum gratia, perinde atque de confessione, que confertur moribundo, quando solum in confuso, & non distincte confitetur, quia non aliter potest; licet enim talis confessio, & absolutione valeat ad gratiam, manet nihilominus in pœnitente obligato ad distincte confitendum pœnitata, à quibus tunc fuit absolutus. Hoc itaque dicendum est in casu de quo agimus. Cum enim confessarius non haberit distinctam notitiam, vi cuius sum munus præstaret, debet postea pœnitens si defectum illum intellexerit distincte clavibus subjecere peccata suo tempore, quod nondum factum est. Et simili olim discursu utebantur viri gravissimi, inter quos noster Arrubel, vir ingenio, virtute, atque doctrina clarus, & posthumis tomis editis in primam partem nobilis scriptor, à quo publicè in solenni quadam disputatione, dum esset meus professor, hanc doctrinam hausit. Ita Dicastillus,

17. Vide etiam circa superius dicta Coninch de *Sacram. diff. 7. dnb. 19. num. 109.* Bonacinam de *Sacram. diff. 5. quest. 5. sect. 2. punct. 3. num. 15.* Suarez *tom. 4. diff. 2. 3. sect. 6.* & alios penes ipsos, cum Cardinali de Lugo *ubi supr. qui num. 643.* recte obseruat posse frequenter accidere, ut pœnitens, qui diu *sup. hoc ista* eidem confessario confessus est, possit uno verbo *tr. 4. Ref. 17.* reiterare omnes illas confessiones, dicendo, *Accuso me de iis omnibus, que tibi in aliis confessoribus inferuntur.*

RESOL. XXXVIII.

An quando confessio fuit invalida, vel ex parte pœnitentis, vel ex parte Confessarij, & pœnitens cum eodem Confessario confitetur, an tenetur de novo peccata explicare, si saltē neque Confessarius in confuso statum pœnitentis non recordatur, & si illam ita tamen absolvit, an dicta absolutione sit invalida?

Et in dicto casu an Confessarius peccaverit, sed non tenetur monere pœnitentem, de aliqua re, sed de peccato pœnitire? Ex part. 3. tractat. 4. Resol. 122, alias 123:

§. 1. **R**espondeo, quod si confessio fuit invalida, vel ex parte pœnitentis, vel Confessarij, & pœnitens cum eodem Confessario confitetur, non tenetur denud peccata, explicare, si saltē recordetur Confessarius illius statum, ut convenientem illi pœnitentiam impone-re possit. Ita communiter DD. quos citant, & sequuntur Valsquez in 3. part. tom. 4. q. 92. art. 3. dnb. 3. & alij. Et ratio est, quia specifica peccatorum manifestatio, aut cognitione per se, & simpliciter non est de essentia, ac necessitate Sacramenti, sed tantum de necessitate præcepti divini, cui pœnitens antea satisfecit enumerando omnia peccata. Ergo solum tenetur defecuti, v.g. contritionis supplere de omisso peccato, seu acculare.

2. Sed cum haec omnia vera sint, difficultas est, si Confessarius statum pœnitentis, neque in confuso recordatur, & tamen illum absolvat, an dicta absolu-tio sit valida de hoc casu olim interrogatus fui, & affirmativè respondi, & adduxi Layman in *Theolog. moral. lib. 5. tractat. 6. capit. 9. num. 6.* ubi sic afferit: Tametsi Confessarius neque statum peccatoris generatim recordetur, sed id tantum, quod sibi confessus fuerit, eumque jam recte dispositum absolvat, peccatum illum quidem, cum non re-est suo munere in pœnitentia imponendi, &c. fungi possit, nihilominus absolutionem validam, & pœnitentia fructuosa fore. Ita Layman ex quibus in tali casu Confessarius peccabit quidem, sed non tenetur monere pœnitentem de aliqua re, ut quidam Sacerdos scrupulosus putabat, quia confessio fuit valida, non tenetur igitur ad aliud, nisi de peccato pœnitire.

K * RESOL: